



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1858**

2420. Kurfürst Joachim und Markgraf Albrecht bestätigen die  
Fischer-Innung zu Crossen, am 27. August 1508.

---

---

**Nutzungsbedingungen**

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2420. Kurfürst Joachim und Markgraf Albrecht bestätigen die Fischer-Znnung zu Croffen,  
am 27. August 1508.

Vonn gotts gnaden wir Joachim etc., vnd Albrecht, gebruder, Marggra-  
uen zu Brandenburg, zu Stettin, pomern etc. herczogen etc., Bekennen etc. —  
Nachdem vnd als etwan der hochgeborn fürst, vnser lieber Oheim, her heinrich,  
herczog In Slesien, herr zu grossen glagow vnd Croffen etc., seliger gedechtnus,  
vnsern lieben getrewen den fischeren zu Croffen Ire Innigung, gerechtigkeit vnd ge-  
wonheit, vnd wie es damit allewege hinfur soll gehalten werden, bewilligt, confirmirt  
vnd bestetigt, Nach besag vnd meldung eins versigelten brieffs, derhalben aufgangen,  
des datum steet zu Croffen, am tag Circumcisionis domini, nach gotts geburt vier-  
zehn hundert, darnach Im zwey vnd sibentzigsteim Jarem; Das wir vff Ir fleissig,  
vnderthenig vnd demutig ersuchen vnd bett, auch aus besunderen gnaden den angetzeig-  
ten vnseren vnderthanen, den fischeren zu Croffen, solche Ire Zuaigung, alte gewon-  
heit, hergebrachte vbunge vnd gerechtigkeit mit allen artickulen, So In gedachtem  
brieff von etwan vnserm Oheim, herczog heinrichen In der Slesien, obgenant  
seliger gedechtnus, derhalben aufgangen, begriffen, bewilligt, bestetigt vnd confirmirt  
haben, Bewilligen, bestetigen vnd Confirmiren das alles hiemit In Crafft vnd macht  
ditzs briues, wollen sie auch vnd Ir nachkomen darbey vnd anderer Irer gerechtigkeit  
zu recht hanthabenn, schuezen vnd verteidigen, doch vns, vnsern erben vnd nachkom-  
men an vnsern vnd sunst ydermann an seiner gerechtigkeit vnshedlich. Zu urkunt  
etc. Actum Coln an der Sprew, Suntags nach Bartholomei, Anno XV<sup>o</sup> Octauo.

Relator Dieterich von Ditskow, Doctor,  
vorwesser zu Croffen.

Nach dem Churm. Lehnscopialbuche XXX, 7.

2421. Kurfürstliche Verleihung eines Freihauses im Städtchen Bobersberg,  
am 7. September 1508.

Vonn gotts gnadenn etc., Bekennen etc., das wyr vnseren lieben getrewenn  
hannsen vnd Andresen, gebrudern, den dobberfwitzenn, vnd Iren menlichen  
leybs lehens Erben das frey haws im Stettichen Boberszberg, zwischen Simon ko-  
ficz vnd Clawatz, auch ein wisen zwischen dames zwecken vnd Simon kofficz wyfen  
vnd ein garten, bey der kleynen moll gelegen, wie Sy das von nickel folgast Erb-  
lichen gekaufft vnd Inen vff Ir behuff vor vnseren Rethen angetreten vnd verlassen,  
zu Rechtem Manlehen gnedigklich gelihen haben, vnd leyhen Inen vnd Iren menli-  
chen leybs lehens Erben solich frey haus mit dem garten vnd wyfen zu Rechtem